



**REPUBLIKA E KOSOVËS**  
 REPUBLIKA KOSOVA – REPUBLIC OF KOSOVO  
 GJYKATA THEMELORE FERIZAJ

Numri i lëndës:           2020:069766  
 Datë:                        29.01.2021  
 Numri i dokumentit:   00966784

**C.nr.992/20**

**GJYKATA THEMELORE FERIZAJ, Departamenti i Përgjithshëm, Divizioni Civil,** gjyqtari Burim Emërllahu, në çështjen kontestuese të paditësit F.Ç., nga Fshati ..... Komuna e Ferizajit, të cilin në bazë të autorizimit i përfaqëson av. Leutrim Ademi ,nga Mitrovica Rr’’A Zhitia’’ pn, kundër të paditurit Universiteti i Shkencave të Aplikuara ‘’Ferizaj’’, me adresë Rr’’Rexhep Bislimi Ferizaj, të cilin në bazë të autorizimit e përfaqëson Armend Hysa , sekretar i përgjithshëm të e paditura , baza juridike :kompenzimi i shpenzimeve të ushqimit, me datë 29.01.2021 mori këtë:

**A K T G J Y K I M**

**I.APROVOHET SI E BAZUAR** kërkesëpadia e paditësit F.Ç.dhe **DETYROHET** e paditura Universiteti i Shkencave të Aplikuara ‘’Ferizaj’’ që paditësit F.Ç. të ia paguaj shumat siq vijon: në emër të kompenzimit të shpenzimeve të ushqimit-shujtave për ditët e pranisë në punë,për periudhën kohore nga data 18.04.2017 deri më datën 11.03.2020 në kohëzgjatje prej 635 ditë pune ,shumën prej 1270 euro,të gjitha me kamatë prej 8 % në vit duke llogaritur nga data e ushtrimit të padis me datë 16.06.2020 e deri në pagesën definitive ,kurse në emër të shpenzimeve të procedurës kontestimore shumat siq vijon:për padi 104 euro,për përfaqësim në seancë 135 euro,për taksën për padi 21 euro,të gjitha këto në afat prej 7 ditësh nga dita e plotëfuqieshmërisë së këtij aktgjykimi.

## A r s y e t i m

Paditësit F.Ç.,ka parashtruar me padi në këtë Gjykatë, kundër të paditurës Universiteti i Shkencave të Aplikuara ‘‘Ferizaj’’, me bazë juridike kompenzimi i shpenzimeve të ushqimit.

Nga thënjet e paditësit në padi rezulton se i njejtë padin e bazonë në faktet e theksuara:se është në mardhënje pune te e paditura si punëdhënës i fundit i tij por e paditura paditësit nuk ia ka paguar shumat që i kërkonë me kërkesëpadi edhe pse të njejtat i takojnë paditësit në bazë të Kontratës Kolektive të Arsimit në Kosovë,në fuqi nga data 18.04.2017.

Përfaqësuesi i autorizuar i paditësit avokati Leutrim Ademi ,nga Ferizaji ka kërkuar që të aprovohet si e bazuar kërkesëpadia e paditësit me përmbajtje si në dispozitiv të këtij aktgjykimi si dhe i ka kërkuar shpenzimet e procedurës kontestimore.

E paditura Universiteti i Shkencave të Aplikuara ‘‘Ferizaj’’ përmes të autorizuarit Armend Hysa ka deklaruar:Këshilli i Universitetit të Ferizajit e ka refuzuar kërkesën e paditësit ,për shkak se në Buxhetin e Universitetit nuk ka pasur mjete të dedikuara për kompensimin e shujtes së paditësit .Andaj kërkoj nga gjykata që kërkesëpadia e paditësit të refuzohet si e pa bazuar.

Me qëllim të vërtetimit sa më të drejtë dhe të plotë të gjendjes faktike në këtë qështje civile juridike janë administruar si provë: kërkesa për shujtën ushqimore ,vendimi i datës 02.03.2020 ,i të paditurës, kontrata e punës në emër të paditësit ,vërtetimi ,i datës 20.11.2020 ,me numër 3008 ,në emër të paditësit.

Gjykata provat e administruara i ka vlerësuar sipas nenit 8 të LPK-së dhe ka vërtetuar këtë gjendje faktike:

Me leximin e kontratës me numër të protokollit 839/17 ,i datës 25.09.2017 gjykata ka vërtetuar se paditësi F.Ç.ka themeluar mardhënje pune te e paditura në cilësin e profesorit assistent .

Me leximin e vërtetimit me nr të protokollit 3008 ,i datës 20.11.2020 ,i lëshuar nga e paditura gjykata ka vërtetuar se paditësi në Universitetin e Shkencave të Aplikuara ‘‘Ferizaj’’,në periudhën kohore 18.04.2017 deri me datën 11.03.2020 ka gjithsejt 635 ditë pune .

Ndërmjet palëve nuk ishte kontestues ekzistimi i faktit se e paditura paditësit nuk ia ka paguar shumat e mjeteve monetare që paditësit i kërkojnë me kërkesëpadi.

Me nenin 35 paragrafi 7 të Kontratës Kolektive Arsimit në Kosovë,të datës 18.04.2017 është paraparë të punësuarve u sigurohet kompensim për ushqim gjatë punës ,për ditët e pranis

në punë ,për një ditë pune është 2[dy]euro ,për të punësuarit që kanë mardhënjën e punës primare në institucionet arsimore .

Kjo gjykatë duke u nisur nga dispozitat e sipër përmendura të Kontratës Kolektive Sektoriale, si dhe gjendjes faktike të vërtetuar dhe të shpjeguar si më lartë ,ka ncjerrur përfundim se është e bazuar kërkespadia e paditësve dhe nga kjo arsye edhe e ka detyruar te paditurën që paditësve t'ua paguaj shumën si në pikën I, dispozitiv të këtij aktgjykimi.

Gjykata ka vlerësuar edhe thënjet e përfaqësuesit të të paditurës i cili kërkesëpadin e kundërshton duke u bazuar edhe në mungesën e mjeteve financiare ,mirëpo gjykata konsideron se theksimi në fjalë i të paditurës nuk e liron nga obligimi për pagesën e shumave si në pikën I të dispozitivit të këtij aktgjykimi ,sepse kontratat e nënshkruara në mes të palëve kanë bazën ligjore në Ligjin për Mardhënjët e Detyrimeve, dispozitat përkatëse të këtij ligji që e rregullojnë materien e qështjes së kontratës,kurse konform nenit 8 të Ligjit për Mardhënjeve të Detyrimeve Pjesëmarrësit në marrëdhënien e detyrimit kanë për detyrë ta përmbushin detyrimin e vet dhe janë përgjegjës për përmbushjen e të njëjtit.

Vendimi për kamatën është bazuar në nenin 382 të Ligjit për Mardhënjeve të Detyrimeve i Kosovës.

Vendimi për shpenzimet e procedurës kontestimore është bazuar në nenin 452.1 të LPK-së.

### **GJYKATA THEMELORE FERIZAJ**

**Gjyqtari**

**Burim Emërllahu**

**KËSHILLA JURIDIKE:** Kundër këtij Aktgjykimi mund të ushtrohet ankesa, Gjykatës së Apelit të Kosovës në Prishtinë, në afat prej 7 ditësh, nga dita e pranimit të këtij aktgjykimi, përmes kësaj gjykate.